






wa'Ngoko oko na W'Isamba



-  Ann Nduku
-  Wiehan de Jager
-  Amos Mubunga Kambere
-  3
-  Olukonjo



Kera kera, iya wa'Ngoko na w'Isamba babya banywani. Kandi babya bikere n'obuholho nebindi binyonyi. Aliriryo wa'Ngoko na w'Isamba sibabya byasi eriwulhuka.



Kiro kighuma, enzalha muyawa omwakiughu.
W'Isamba inyakaghenda lhughendo lhuli erirondia
akalyo. Erisamba irikasubulha iryabirilhuha. "Nikwa
ibwa hanatholere ihabya enzira eyerighenderamu"
w'Isamba mwalengekania.




Wankoko abere akabuka amasa nekihanulho.
Amatsuka erisorokya ebyeya ebikathoghonga
okwasindi nyonyi. Neryo amabwirasyo athi,
“tulhandikanaye ebyeya neribiwathikania
okwabyethu” wa’Ngoko amahanulha, “obundi
byanganaleka ithwa wulhuka”



w'Isamba yowanabya awithe enginzo eyikalhanda, neryo mwatsuka eriyilhandira kwebyeya. W'Isamba mwayikolhera ebipupa bibiri ebyowene, neryo amawulhuka omwamwanya hali. W'Ngoko nayo neryo amayibweka enginzo neryo amatsuka erilhanda, ibwa neryo amalhuha. W'Ngoko amasingha enginzo yokwa kabada akathibitha omwa kyitsumbyo eriyahukira othwana thwiwe.



Ebindi binyonyi byabere byalangira iya w'Isamba akawulhuka omwamwanya, mubyasaba wa'Ngoko yenginzo nabyo byangayikolera ebipupa. Neryo kathuku kake, enbinyonyi byamatsuka erisulha omwamwanya neriwulhuka.



Neryo enyonyi eyawunzerera erilhanda yabere yikasubulya enginzo, muyithasangana wa'Ngoko yahakuhi. Muyasighira enginzo y'obwana bwa wa'Ngoko. Neryo bwamatsuka erisatha omwanginzo, bwabere bwalhuha erisatha, bwamasighayo omwamusenyi.



Omwithungyi, w'Isamba amasubulha. Amasaba enginzo yiwe akathasyalhandanda neribazirira ebyeya biwe ebyabya ibyabirimusunukalhako habw'olhughendo lhuli. wa'Ngoko mwalebya okwa kabada ahababya bakabikayo, siyiriho! Amalebya kyitsumbyo, siyiriyo, amalebya n'omwabbalazi, namo yamabya isiyirimo. Enginzo neryo yamabulirana.



“Thasamba kiro kiwuma” wa’Ngooko akayisengerezaya w’Isamba. Ngendibanayo neryo wangabazirira ebyeya byaghu neriyarondia ebindi byalya. “Kale basi, kiro kiwuma kisa”, w’Isamba amaligha. “Wamabirilemwa iribana enginzo yaghe, ukendimbererya kawuma okwathwana thwaghu mwandihi yenginzo yaghe. Sihali kabusa.



w'Isamba abere akasubulha ekiro kyakabiri, akasangana wa'Ngoko inyanemukwesa omusenyi akarondia enginzo. Neryo enginzo muyithabanika. W'Isamba mwawulhuka neriyabakulha akana kawuma okwathwana thwe'ngoko. Neryo kyalekire bulikiro erisamba likabya likabanika ahali esyangoko, sikasangawa isinemukwesa sikarondia enginzo yabene.



wa'Ngoko akabya akalhangira ekitsutsu kyebipupa bya w'Isamba, neryo akapwirira othwana thwiwe, thubisame omwabithi kusangwa w'Isamba akendithuheka. Othwana natho thukabugha thuthi, "nethu sithuli bakyiro, thukendithibitha".



Global Storybooks

globalstorybooks.net

wa'Ngoko oko na W'Isamba



Ann Nduku



Wiehan de Jager



Amos Mubunga Kambere

